

Gbre wáraga bi Páwulo
eké zí 'yì ga bi simi
Tasaloníka
ní
Ledre gi ro gbre búkù bi
Tasaloníka ní

Páwulo eké gbre Tasaloníka ba gi do kací bi eké mizefi Tasaloníka go ní gi do kací éfé e ca zí 'yì ga bi 'bi Kírésìto simi Tasaloníka ní. Uku zíye simi ledre bi eké ba kídí idíní tóro kpá fú ngbúó simi ledre 'bi Lomo bi ñgunḡuní ní abú ngíti géyì 'yì e niyí kí ndìsì méngì yéé bisinyíne ndotó. Ngíti géyì 'yì e ndìsì ní kóo úku ledre zí 'yì ga bi Kírésìto nées kídí Kírésìto oḡu yì ené go, ngíti géyì ya ni óḡu ca cakaba, ndaní lolu ndìsì méngì 'dó'dó royé kí moko wá. Páwulo ya 'yì ga bi 'bi Kírésìto nées ndaní úwú ledre 'bi 'yì ranga ga gére nées wá. Zía ótoyéme a zíye kídí 'yì ga bi 'bi Kírésìto ní ndaní ídí 'yì ngìdrì e wá, gi zía 'dá'dá zí Kírésìto ndá'baóḡuné, sìnḡì kadra ni ídí zí mĩngburoko bisinyí ledre e ndìsì méngì tátá royé 'dá'dá do sogo, nées ní zí manda 'yì méngì bisinyí ledre útúne 'dá'dá zí tũ'dũ 'yì ga bi oyóní sogoyé go zí Lomo ní ìcì okó ro Lomo.

*Gbre wáraga bi Páwulo eké
 zí 'yì ga bi 'bi Kírésìto simi Tasaloníka ní*

¹ Sée 'yì ga bi 'bì Tasalonika bi ìlísé ledre 'bì 'Buzé Lomo kí Kírésìto Yésù Ngére 'Yì yómo 'yì e ní, i'bízé mandá zíse.

Azé, máa Páwulo kí Siliváno kpá kí Timatíyo e.

² 'Buzé Lomo kí Kírésìto Yésù Ngére 'Yì yómo 'yì e, idíní lúró bi kacíse gí do bi zíse ndìsìsé bilámáse.

Páwulo i'bí mbófo éyì zí Lomo gí ro 'yì ga bi 'bì Ngére Yésù ní

³ Owú 'bì Babá e, utúasá miútúasá zíze í'bì mbófo éyì zí Lomo gí rosé za mbá, gí zía bi ásé kpá fú ndìsì lódú kací Ngére Yésù kíngaya ndéré kíe 'dá'dá kpá kí óto 'búse bi dengbíse kíngaya ní. ⁴ Gí zí kényí née ní, zíze ndìsìzé kpá fú mbófo ledresé zí ngítí géyì 'yì ga bi 'bì Lomo ní, gí zía, ásé kpá fú mítórosé ngbúó simi mingburoko úzu éyì e, kí mingburoko 'do'dó ga bi gí zí 'yì e ní.

⁵ Ndìsìní méngì láráse née gí zía bi ásé 'yì ga bi 'bì Lomo ní, abú kenée ndotó, ciyí ledre 'bì Lomo ni yì ené kpá fú simisé kíngaya. Simi ledre máa ga gére née mbá, owozé go kídí Lomo ni karanée 'dècì ngbanga esé bilámáne kídí, útúasásé go zíye ndìsìyé kése 'be 'bì ené. ⁶ Ídísé ówo a kídí, 'yì ga bi ndìsìní 'dó'do sée née, Lomo ni karanée kpá 'dó'do yée bisinyíne kíngaya. ⁷ Gí do kací 'do'dó esé née, Lomo ni nda í'bì mongú 'dówúro zíze kése. Kadra bi 'yì e za mbá niyí lúró Ngére Yésù kí ndá'baogú gí komo ere girí kí maláyika ené ga bi cóngó royé ofú go ní, kí mongú pho'du. ⁸ Ni í'bì ndúwu ro 'yì ga bi ngununí ledre Lomo wá ní. Gí zía, asíní go kí úwú bilámá ledre 'bì Ngére Yésù. ⁹ Bisinyí 'yì ga gére née, Ngére

Yésu utúasá ené lolu méngi bilámá ledre bi kí roko'buné ní zíye wá. Ni ógóóyó yée gi do komoné 'dá'ba, do í'bí ndúwu royé, nduwú bi ngará odu a ndaá ní. ¹⁰ Ledre máa née, ni méngi roné simi bi Yésu ma'dáa ni ndá'baogú gi ro zí 'yi ené e mbófo wo kóngaya ní. Ásé kpá ídí dongaráye gi zía bi ngúngusé ledre 'bi Lomo bi ukuzé kóo zise ní go.

¹¹ Káa zí bi owozé bú kenée ní, ndisizé ini ini zí Lomo gi rosé kací kadra mbá kídí, ídí óto sée, zise útúasásé káa do mbigí 'yi ené e, káa zí bi geléogú sée go née ní. Idí í'bí roko'bu zise gi ro zise méngionzó bilámá ledre kía zía, gi zía ngúngusé ledre ené go. ¹² Simi kadra bi ni méngi ledre máa ga gére ní, 'yi e niyí mbófo iri Kírésito Yésu Ngére gi zí miméngi ledre esé. Nda née ní, Kírésito Yésu ni úku ledre kídí, méngi yémesé ledre go bilámáne. Ledre née ni ídí kenée, gi zía 'Buzé Lomo kí Kírésito Yésu Ngére 'yi yómo 'yi e iliní gi ro sáká sée.

2

Ídí ídí nzíyiyi gi ro mindá'baogú Yésu

¹ Owú 'bi Babá e, somúzé ni miútúasáne zize úku ándá ledre gi ro mindá'baogú Kírésito Yésu Ngére 'yi yómo 'yi e kpá kí ledre mindíkize kéne zise. ² Sómú ledre esé nda ídí sikala gi ro mindá'baogú ené wá. Togú ngíti 'yi uku kóo ledre go ya, Ngére nda'baogú go yá, ndásé ngúngu a wá. Togú ngíti 'yi uku kóo ledre go kenée káa zí nébi ní yá, ndásé kpá ngúngu a

wá. Togú kasaoguní kóo wáraaga go zise kí ledre káa zí nées lóndo sée kée kídí, kasaoguzé ze yá, ndásé kpá ngungu a wá. ³ 'Yì e ndaní lóndo sée kí ledre káa zí nées wá. Gí zía, ngíti géyì ledre e niyí aka méngiütü royé kí, Yésu ma'dáa ni nda fú ndá'baógu. Mizefi a, 'yì e niyí aka ási gi ro mbigí Lomo kíngaya kí, zí ngíti mongú bisinyí 'yì lóndo 'yì e olúóguné, zía ndìsiné úku sínyi ledre gi ro lomo ga bi 'yì e ndìsiní ini ini zíye ní 'duo gbála. ⁴ Ni óto roné káa do Lomo, do lomo máa ga gére nées. Zía ógu ndìsiné dongará 'yì ga bi 'bi Lomo ní, simi 'Dìcì 'bi Lomo ndìsì úku ledre kídí, nées ni mbigí Lomo, ábuwá yì ené řanga. Nda gi do kací a nées ní, zí Yésu óguné í'bi ndúwu roa, nduwú bi ngára odu a ndaá ní.

⁵ Máúku kóo ledre ga gére nées go zise fúo simi bi kóo azé kése íri ní kídí, ⁶ ngíti éyì ni bo bi ndìsì aka 'dí'bingéřì bisinyí 'yì máa nées kí ógu ní, ówosé éyì máa nées bú. Ledre máa nées méngi roné kenée gi zí bisinyí 'yì nées aka kí óguné, 'búo togú kadra a utúasá go gi ro do 'dó'do bisinyí 'yì máa nées. ⁷ Roko'bu 'bi méngi okó ro mbigí Lomo ni go kí okó roa miótoécíné, ngíti 'yì ni bo ndìsì 'dí'bingéřì roko'bu máa nées ne, ni ndìsì méngi a kenée 'búo togú oyó roné go 'dá'ba. ⁸ Nées ní, zí bisinyí 'yì máa nées nda óguné. Nda gi 'dá'ba simi bi Ngére Yésu ni ógu 'bi ené kí mongú roko'buné ní, zía lúwúónzó bisinyí 'yì máa nées za fí umbu.

⁹ Bisinyí 'yì nées ni ógu kí roko'bu 'bi Satána, ¹⁰ zía ndìsiné méngi mingburoko ledre řanga e kí bisinyí miméngi ledre e gi ro lóndo 'yì ga bi

ngará iliní ɲɔ́ɲɔ́ ma'díi ledre ɣi ro ómoyé wá ní mílóndo. ¹¹ Ɣi zía bi asiní kí ɲɔ́ɲɔ́ ledre 'bi mbigí Lomo go ní, Lomo ootomo yée go ɣi ro zíye méngi ledre cayi bi iliní ndiṣi méngi a ní, ɣi ro zí bi émené royé. ¹² Ɣi zí kényi née ní, Lomo ni gú kpá í'bí ndúwu royé, nduwú bi ngará odu a ndaá ní.

Ídísé tóro ngbúó simi ledre 'bi Kírésito

¹³ Owú 'bi Babá e, utúasá miútúasá ma'díi, zíze ndiṣizé í'bí mbófo éyi zí Ngére Yésu ɣi rosé, ɣi zía oto 'búse go kíngaya, zía géléogú sée kpurú ɣi simi roko'bu 'bi 'Dówú Lomo káa do mbigí 'yi ené e, ɣi zía ɲɔ́ɲɔ́sése ledre ené go. ¹⁴ Gelé sée, ɣi zía simi bi kóo oguzé kí bilámá ledre ené 'dódo a zise íri ní, zise kóo ɲɔ́ɲɔ́ a. Ɣi zí kényi née, zise útúásásé kací komoa, do ídísé káa do mbigí 'yi ga bi 'bi Kírésito Yésu Ngére ezé ní za fí. ¹⁵ Bi goó kenée ní, owú 'bi Babá e, ledre ga bi kóo 'dodozé yée zise kí yée ga bi ekézé yée miéké ní, ídísé 'dí'bi sɪlɪsɪ royé ngbúó, ɣi ro zise ídísé kí roko'busé simi ledre e za mbá.

¹⁶ Kírésito Yésu Ngére ezé kí 'Buzé Lomo yemení ledre née kenée ɣi ro zise ídíze kí rokinyi kpá kí óto komo ɣi ro trɪdri bi za fí ní. Lomo méngi ledre née kenée ɣi zí bilámá mimbé'dea rozé kpá kí 'búze bi oto ní. ¹⁷ Idíní ndiṣi 'dí'bióyó ɲɪrɪ ɣi simisé 'dá'ba, zíye í'bí roko'bu zise ɣi ro zí miméngi ledre esé e kí miódrosé e ídiye mbá bilámáye.

3

Páwulo i'bí lorù zí 'yì ga bi 'bi Lomo ní

¹ Owù 'bi Babá e, azé kpá fú kí yata ledre gi ro úku a zíse. Ídísé ndìsì ìni ini zí 'Buzé Lomo gi rozé kídí, ledre 'bi Ngére Yésù idí ngbóro ndéréne fú 'dá'dá, 'yì e idíní ówo a káa do mongù ledre zíye ngúnṅu a káa zí bi ówoyémesé go bú ní. ² Ídísé kpá ìni ini zí Lomo gi ro zía yómo zée gi zí bisinyí 'yì ga bi ngára ṅṅuní aka ledre 'bi Lomo ma'dáa wá ní. ³ Ma'díi, Ngére Yésù ni 'yì méngì bilámá ledre zí 'yì e, ni í'bí roko'bu zíse, ni kpá 'bá'bá sée gi zí bisinyí ledre e. ⁴ Azé go kí mongù rokinyi gi zí Ngére Yésù, gi zía ásé go tí ndìsì méngì kéyì káa zí bi kóo ukuzé zíse ní. Owozé go yaá, ledre ga bi ukuzé yée zíse ní, ásé ndìsì méngì yée fú kenée ndéré kíe 'dá'dá. ⁵ Ngére Yésù idí sáká sée, gi ro zíse ówo óto 'búse bi Lomo oto ní, zíse kpá ówo a kídí, Kírésìto bi ni 'yì yómo 'yì e ní, ni ndìsì sáká sée gi ro zíse ndìsìsé lódú kacíne nda za kíngaya.

Lorù gi ro moko

⁶ Owù 'bi Babá e, loruzé sée ba do bi kací Kírésìto Yésù Ngére 'yì yómo 'yì e. Ídísé ígí rosé gi ro 'yì ngìdrì bi dongarásé íri ní 'dá'ba, wo bi ngára ili 'bi ené méngì moko kíngaya wá, káa zí bi kóo 'dodozé zíse ní. ⁷ Ówosé bú kídí, utúasá miútúasá zíse méngì moko za kíngaya káa zí bi kóo méngìzé dongarásé íri ní. Ndazé ezé kóo 'yì ngìdrì e wá. ⁸ Otozé ezé kóo komozé lá ro 'yì e gi ro éyì miánu wá. Méngìzé kóo moko ezé cú ze kí sílize kí bisuwu trìj kadra teké, káa

bi kúrú 'bi lúrú bi kacíze ni kóo méngi sée ke.
⁹ Eme miéme gi ro zise í'bí éyí miánu zí 'yí 'dódo ledre e zise. Abú kenée ndotó, simi bi kóo oguzé 'dódo ledre zise íri ní, ilizé ezé kóo ledre máa née wá. Mengizé kóo moko ezé cù ze kí sǐlize gi ro éyí miánu zize, gi ro zía ídine káa do 'dódo ledre zise, zise ndísisé méngi moko kpá kenée.
¹⁰ I'bí zé kóo lorú zise gi ro 'yí ngìdrì e simi bi kóo azé kése íri ní kídí, togú 'yí ili méngi moko wá, ndaní í'bí éyí miánu zía wá.

¹¹ Ukuzé ledre née kenée, gi zía uwú zé go kídí, ngíti géyí 'yí e niyí bo dongarase íri, niyí 'yí ngìdrì e, iliní eyé méngi moko wá. Ambá ledre eyé lá ndísi ési tarayé simi ledre 'bi lafúye e.
¹² Ukuzé ledre ba zise kí roko'bu 'bi Kírésito Yésu Ngére ezé, ídísé lórú 'yí ga gére née, ndaní ndísi gbékpje wá, idíní ndísi méngi moko kí sǐlìye gi ro éyí miánu zíye. ¹³ Owú 'bi Babá e, ndásé 'dó'dó kí méngi bilámá ledre wá.

¹⁴ 'Yí bi asi go kí éré ngìrì ledre bi ekézé simi wáraga ba ní ní, ídísé lúrómo wo kí komosé gi ro zí komoa ényíne. ¹⁵ Ndásé sógó wo wá, ídísé ési sǐlìse komoa tí káa zí 'yí esí sǐlìne komo lúnduné ní, gi ro zía ndá'baóguné méngi ledre bi utúasá miútúasá ní.

Odu mandá gi zí Páwulo e

¹⁶ Ngére Yésu 'yí í'bí bikìdrì zí 'yí e, idí idí kíse, abú tú'dú bisinyí ledre e niyí ndísi méngi sée ndotó, Lomo idí ìdrì mimbé'desé, zise ídise kí bikìdrì kací kadra za mbá.

¹⁷ Máa, Páwulo, máí'bí mandá zise, máéké ledre ba máa kí sǐlìma, gi ro zise ówo a kídí, ledre

ma'dáa ba ni tí gị zíma ma'díi, gị zía mándịsị éké
ledre amá e kú kenée.

¹⁸ Kírésìto Yésu Ngére ezé idí méngị bilámá
ledre zíse.

MIKÁNDA LORU 'BI LOMO KÍ DOSÍ ÉYÍ E
Baka: MIKÁNDA LORU 'BI LOMO KÍ DOSÍ ÉYÍ E New
Testament+

copyright © 2016 Wycliffe Bible Translators, Inc.

Language: Baka

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

9ebc1b62-650d-5302-9391-27a31d140102